




# QUARTERLY BULLETIN UNDP TIMOR-LESTE DARDC PROJECT



## EDISAUN DATOLUK

### Konteúdu:

- Desiminasaun Informasaun no Ezersisu responde dezastre iha Ainaro
- Sistema Alerta Sedu Installa ona iha Dili-Ainaro
- Fundus Komunitaria atu hasa'e rezilénsia komunidade no vida moris
- Instituto Bamboo hetan ekipamento diak ho makina prosesamentu



Diskusaun Grupo kona-ba Responde Dezastre

## Setembru-Dezembru 2018

**Projetu Koridor Dezenvolvimentu Estrada Dili-Ainaro** ho objetivu atu hametin rezilénsia komunidade ne'ebé hela iha koridor Estrada Dili-Ainaro ba iha dezastre kauza husi alterasaun klimátika hanesan beesae, erosaun, ahi-han rai, anin-boot no raimonu hodi redus risku ne'ebé estragus infraestrutura Estrada no komunidade nia moris.

### Desiminasaun Informasaun no Ezersisu responde dezastre iha Ainaro

Hatobuilico, 20 de Julho de 2018, Direcção Nacional Gestão Risku de Desastre-MSSI parceria ho PNUD Timor-Leste halo desiminasaun informasaun no ezersisu responde dezastre iha postu administrativu Hatobuilico no Maubisse, munisípiu Ainaro.

Treinamentu no ezersisu ne'e ho objetivu atu hasa'e konsiénsia noabilidade ofisialis postu administrativu, chefe suco's, konsellu do suco no membru komunidade hodi kontribui ba jestaun risku dezastre. Nun'e'e mós ajuda atu reduz impaktu husi dezastre naturál no prevene likon vida no própriedade.

"Wainhira dezastre mosu ema ne'ebé afeta liu mak katuas-ferik, labarik no defisientes sira". "Husu ba maluk hotu atu kolabora no intende didiak asuntu no imi idaidak bele transmite informasaun hirak ne'e ba komunidade vulneravel seluk," tenik Sr. Jaime Agostinho Hanjam, Director Centru Solidariéidade Social e Inclusao munisípiu Ainaro iha ninia abertura.

Iha treinamentu ne'e, facilitador sira apresenta no fahe tips no tékniku oinsá komunidade sira atua no responde antes, durante no depois dezastre. Partisipante sira partisipa ativu tebes iha sesaun simulasaun kona-ba treinamentu foti asaun no responde dezastre naturál nian.

"PNUD kontinua estende apoiu ba governo liu husi Ministério da Solidariéidade Social no Inclusao atu kapasita no fahe informasaun relaciona ho jestaun risku de dezastre," dehan Sra. Ana Maria de Carvalho, Kordenador Nasional Projetu UNDP-DARDC.

Iha sesaun de final, Administrador Postu Administrativu Hatobuilico, Sr. Armando de Araújo hato'o agradese ba MSSI no husu PNUD atu kontinua apoiu programa hirak ne'e. In nome partisipante sira, Sr. Bento Alves husu atu programa ida ne'e replika ba to'o sira nia suco.

# Sistema Alerta Sedu installa ona iha Dili-Ainaro

Ekipamentu Sistema Alerta Sedu installa ona iha koridor dezenvolvimentu Estrada Dili-Ainaro. Ekipamentu hirak ne'e automatikamente sei detekta dezastre sira hanesan anin-bot, rai-halai no inundasaun.



Photo by: Marino Mouzinho/UNDP

"Ha'u apresia no agradese ba apoiu husi PNUD no husu PNUD atu kontinua kolabora no suporta governo Timor-Leste," dehan S.E. José Agostinho da Silva, Ministru do Transporte e Comunicações.

Enkuadramentu Sendai ba iha Jestaun Risku Dezastre rekoñese katak Sistema Alerta Sedu hanesan prioridades ida. Ida ne'e ajuda iha monitorizasaun dezastre no fó

alerta ba komunidade vulneravel ne'ebé hela iha koridor Estrada Dili-Ainaro.

"Sistema Alerta Sedu ne'e importante ba iha preparasaun dezastre atu minimiza estragus no lakon. Sistema ida ne'e sei ajuda komunidade vulneravel sira wainhira mosu dezastre," dehan Sr. Claudio Providas, Country Director PNUD.



Photo by: Marino Mouzinho/UNDP

Installasaun Automatic Weather Station (AWS) iha Suco Casa, Ainaro

Ekipamentu ne'ebé installa inklui: Automatic Weather Station atu detekta anin-bot no udan-been hamutuk 6, Extensometer 2 atu detekta rai-halai no automatic Water Level 2 atu monitoriza nível bee iha mota.

"Komunidade lokál afetadu tebes ba anin-bot iha tinan 2017 no 2018, uma komunidade hamutuk 18 mak hetan estragus," dehan Sr. Longuinhas de Araujo, Chefe Suco Casa-Ainaro. "Ami espera ho instalasaun ekipamentu ne'e bele ejuda ami fornese alerta sedu nune'e ami bele seguru durante dezastre".

Sistema ida ne'e dezeña no apoiu husi projetu PNUD-DARDC ho kolaborasaun husi Direcção Nacional Gestão Risku de Desastre-MSSI, Direcção Nacional Meterologia no Geofísika-MTC, Hydrologia, IPG (Ministério Petroleum e Minerais) no BMKG Indonesia. 5,000 populausaun ne'ebé hela besik Estrada koridor espera hetan benefisiu husi ekipamentus ne'e.



Photo by: Marino Mouzinho/UNDP

Installasaun Automatic Weather Station (AWS) iha Suco Liurai-Aileu



Photo by: Marino Mouzinho/UNDP

Treinamento kona-ba Monitorizasaun AWS husi BMKG Indonesia ba ekipa tékniku husi DNMG, Hidologia, DNGRD no IPG.

# Fundus Komunitaria atu hasa'e rezilénsia komunidade no vida moris



Photo by: Marino Mouzinho/UNDP



Photo by: Marino Mouzinho/UNDP

Projetu PNUD-DARDC parseria ho Ministério Administração Estatal halao lansamentu ba programa fundus komunitaria atu implementa asaun komunidade atu hari'i sira nia rezilénsia.

Objetivu prinsipál husi fundus komunitaria nemak atu hasa'e rezilénsia komunidade liu husi hasa'e no haluan oportunidade vida moris ba komunidade rural ne'ebé hela iha risku a'as husi dezastre naturais no atu promove partisipasaun mane no feto iha atividades jestau risku dezastre.

"Fundus komunitaria ne'e meius ida atu suporta komunidade vulneravel sira. Ami husu atu utiliza fundus ne'e ho diak tambá resultadu diak husi fundus sei ajuda ita atu hetan tan fundus iha futuro," dehan Dr. Shyam K. Paudel, Chefe Asesór Tékniku pro-



Photo by: Marino Mouzinho/UNDP



Photo by: Marino Mouzinho/UNDP



Photo by: Marino Mouzinho/UNDP



Photo by: Oliv Mendes/visitor

jetu PNUD-DARDC.

"Obrigado ba PNUD hodi ajuda ona ami nia komunidade. Ha'u husu komunidade hotu atu utiliza fundus ne'e ho kuidadu hodi benefisia ita bot sira nia moris," dehan Vise-Ministro Administração Estatal, S.E. Abilio José Caetano.

Grupo komunidade hamutuk 39 mak hetan benefisiu husi fundus komunitaria ne'e iha Aileu, Ermera, Ainaro no Manufahi.

Atividade ne'ebé halao uja fundus komunitaria kobre variasaun atividade komunitaria inklui produsaun vejetasaun, pre-prosesamentu bamboo, pekúaria, horticultura, artezenato nsst.

Resultadu dahuluk husi fundus komunitaria ne'e impresionantes tebes. Komunidade lokál sira hetan benefisia hodi hasa'e no diversifikasi rendimentu sira nian uma-kain.

# Instituto Bamboo hetan ekipamentu diak ho makina prosesamentu



Ministro MAP teste makina ne'ebé intrega ba centriu prosesamento Instituo Bamboo Tibar

Photo by: Marino Mouzinho/UNDP

PNUD entrega makina prosesamentu bamboo set ida ba Instituto Bamboo liu husi Ministério da Agricultura no Pescas iha 11 de Otubru de 2018.

Ministro Agricultura no Pescas, S.E. Joaquim José Gusmão dos Reis Martins sente orgullu ho grupo bamboo no funsiunariu sira ne'ebé dezenvolve instituto ida ne'e no agradese ba PNUD hodi apoiu Instituto Bamboo.

"Ha'u orgullu ba grupo bamboo no funsiunariu hotu iha instituto bamboo ba iha esforsu tomak. Ha'u nia agradese mós ba PNUD hodi fó apoiu", tenik S.E. Joaquim.

Dezenvolvimentu seitór bamboo sei kontribui ba

protesaun ambientál no seguransa vida moris komunidade lokál iha nasaun ne'e hodi hadia'k ho efisiensia valór bamboo husi produsaun bamboo nian. PNUD Timor-Leste agora daudaun apoiu governo Timor-Leste hodi prepara esbosu strátejia snasionál ba bamboo, ne'ebé espera sai hanesan matadalan ba dezenvolvimentu no promosaun indústria bamboo iha nasaun ne'e.

"PNUD iha komitmentu atu kontinua dezenvolve indústria bamboo iha Timor-Leste. Aliende makina, PNUD ho kontenti apoiu governo hodi prepara esbosu ida kona-ba strátejia nasionál bamboo iha Timor-Leste", dehan Sra. Diana Lina Bernardo, Jestór Operasaun PNUD.

Makina ne'ebé intrega mak inklui makina ha'at ba iha tesi no fera bamboo, kesi bamboo, sukat bamboo nia luan, planu no halo anar no makina lima pre-prosesamentu ba iha grupo komunidade lima.

Reprezenta grupo komunidade sira, Sr. Januario Soares hatete: "Ami kontenti ho makina sira ne'e no ami fiar katak makina ne'e sei ajuda ami atu hasa'e produsaun bamboo".

Director Instituto Bamboo, Sr. Sabino Rua hato'o obrigado ba PNUD nia apoiu no husu governo Timor-Leste no instituisaun seluk atu promove instituto bamboo liu husi utiliza mobiliariu bamboo iha sira nia servisu fatin.

Seremonia lansamentu ne'ebé halao iha Instituto Bamboo Tibar hetan partisipasaun husi Ministro Agricultura no Pescas, S.E. Joaquim José Gusmão dos Reis Martins; Vice-Ministro Obras Públiko, S.E. Nicolau Lino Freitas Belo; Secretário Estado SEPFOPE, S.E. Julião da Silva; Sra. Diana Lina Bernardo husi UNDP Country Office, Director Geral Indústria; Director Geral Meiu Ambiente; Director Nacional liña ministeriais no funsiunario instituo bamboo.



## Projetu PNUD-DARDC 2019

Edefiçio	: MSSI-NDMD, Bemori, Dili, Timor-Leste
CTA/PM	: Dr. Shyam K. Paudel
E-mail	: shyam.paudel@undp.org
Telémovele	: +670 7795 2899

Director DNGRD : Sr. Agostinho Cosme Belo
Email : agostinhocosme.belo@gmail.com
Telémovele : +670 7732 6917